

№27 (20 892)
10 шілде,
2025 жыл, бейсенбі



Атырау

Облыстық қоғамдық-саяси газет

@Atyrau.gazeti
atyrau_gazeti@mail.ru
Атырау газеті
www.atr.kz
«Атырау» газеті
atyrau_gazeti
Atyrau_news
Атырау жаңалықтары

*Экономика

Қытайға сапар: Ынтымақтастықтан – Ықпалдастыққа

ИНВЕСТИЦИЯСЫЗ ЭКОНОМИКАНЫ ӨРТЕ БАСТЫРЫП, ӨНДІРІСТІ ӨРКЕНДЕТУ ҚИЫН. МЕМЛЕКЕТ БАСШЫСЫНЫҢ ӨҢІРГЕ ИНВЕСТИЦИЯ ТУРАЛЫ ТАПСЫРМАСЫ ДА ОСЫ МАҚСАТТА БЕРІЛГЕН БОЛАТЫН. СОНЫ ОРЫНДАУ МАҚСАТЫНДА БҮГІНДЕ АТЫРАУ ОБЛЫСЫНЫҢ ӘКІМІ СЕРІК ШӘПКЕНОВ БАСТАҒАН ДЕЛЕГАЦИЯ ҚЫТАЙ ХАЛЫҚ РЕСПУБЛИКАСЫНДА ЖҰМЫС САПАРЫМЕН ЖҮР. ОЛАРДЫҢ ҚҰРАМЫНДА ӨҢІРДІҢ БИЗНЕС ҚАУЫМДАСТЫҒЫ, ИНВЕСТИЦИЯ ТАРТУҒА ЖАУАПТЫ МЕМЛЕКЕТТІК ОРҒАН ӨКІЛДЕРІ МЕН ДЕПУТАТТАР БАР. ИССАПАР АЯСЫНДА АТЫРАУ ОБЛЫСЫНАН БАРҒАН ДЕЛЕГАЦИЯ ҚЫТАЙДЫҢ 4 ПРОВИНЦИЯСЫНДАҒЫ 8 ҚАЛАДА БОЛЫП, 15 КӘСІПОРЫННЫҢ ЖҰМЫСЫМЕН ТАНЫСАДЫ. СОНДАЙ-АҚ 6 ИНВЕСТОРМЕН КЕЗДЕСУ ЖОСПАРЛАНҒАН.

(Толығырақ 3-бетте)



Сурашар облысы жетінің бастығын қытаймен алынды

*Мәселе

Суы менен жолы жоқ...

АУЫЛ ҚАЙТІП КҮН КӨРЕР?!

ШЕКАРАЛЫҚ АЙМАҚТАРДАҒЫ ХАЛЫҚТЫ ТҰРАҚТАНДЫРУ – МЕМЛЕКЕТ САЯСАТЫНЫҢ БАСТЫ БАҒЫТТАРЫНЫҢ БІРІ. ЕНДЕШЕ АЗҒЫР ӨҢІРІНІҢ МӘСЕЛЕЛЕРІ КҮН ТӨРТІБІНЕН ТҮСПЕУІ ҚАЖЕТ. «ЖОЛ АЗАБЫН ЖҮРГЕН БІЛЕР» ДЕГЕНДЕЙ, СОЛ МӘСЕЛЕЛЕРДІҢ ЕҢ БАСЫНДА ЖОЛ ТҰРҒАНЫ БӘРІМІЗГЕ БЕЛГІЛІ.

(Толығырақ 9-бетте)



*Мәселенің мәнісі

Шырылдауық шегіртке...

ӘЛЕУМЕТТІК ЖЕЛІМЕРДЕ ҚЫЗЫЛҚОҒА АУДАНЫНДАҒЫ ҚАПТАҒАН ШЕГІРТКЕ ТУРАЛЫ БЕЙНЕКӨРСЕТІЛІМ ТАРАП ЖАТЫР. ОСЫ ЖАҒДАЙҒА БАЙЛАНЫСТЫ ОБЛЫС ӘКІМІНІҢ БАСПАСӨЗ ҚЫЗМЕТІ ТҮСІНІКТЕМЕ БЕРДІ.

Қызылқоға ауданында мамырдың басынан бері қауіпті зиянкестер – итальялық шегірткелермен (*Calliptamus italicus*) белсенді күрес жүргізіліп жатыр. Дәрігерлердің жер бетіне шығуы алғаш рет 6 мамырда тіркеліп, 16 мамырдан бастап авиация, дрондар және жерүсті техникаларының көмегімен кең ауқымды химиялық өңдеу жұмыстары басталды. Үйірлі шегірткелерге қарсы уланған жердің жалпы ауданы 38 413 гектарды құрайды. Жергілікті бюджет есебінен 17 510 гектар жерге саяқ шегірткелерге

қарсы қосымша улау жүргізілді. Қызылқоға ауданы бойынша улау жұмыстары жалпы 55 000 гектардан астам аумақты қамтып отыр. Бұған 11 арнайы техника тартылған, оның ішінде жеңіл авиациялық құралдар, желдеткішті бүріккіштер, газ генераторлары мен агродрондар бар. Сараптама және зерделеу жұмыстарына зерттеушілер мен мамандар, оған қоса жұмыспен қамту орталықтары арқылы анықтаушылар жұмылдырылды.

Қазіргі уақытта жерді улау бойынша негізгі жұмыстар аяқталды. Жағдай «Республикалық фитосанитарлық диагностика және болжамдар әдістемелік орталығы» РММ-нің облыстық филиалы мен Агроөнеркәсіптік кешендегі мемлекеттік инспекция комитетінің аумақтық инспекциясы мамандарының бақылауында.

Өз тілшіміз



*Кәсіпкерлік

Бұдан артық не істеуге болады?!

АТЫРАУ ОБЛЫСЫНДА ЖЕРГІЛІКТІ КӘСІПКЕРЛЕРДІ ҚОЛДАУҒА БАҒЫТТАЛҒАН «АТЫРАУ ӨНІМІ» АТТЫ ЖАҢА БАҒДАРЛАМА ІСКЕ ҚОСЫЛДЫ. БҰЛ БАСТАМА ӨҢІРЛІК ӨНДІРІСТІ ДАМУҒА, ӨҢІРЛІК ӨНІМ КӨЛЕМІН ҰЛҒАЙТУ ЖӘНЕ КӘСІПКЕРЛІКТІ ЖҮЙЕЛІ ТҮРДЕ ҚОЛДАУДЫ МАҚСАТ ЕТЕДІ.

Бағдарлама аясында тек Атырау және Құлсары қалаларында тіркелген кәсіпкерлерге жылдық 7% жеңілдік мөлшерлеменен 70 миллион теңгеге дейін несие алу мүмкіндігі қарастырылған. Қаржыландыру жаңа өндіріс орындарын ашуға, сондай-ақ жұмыс істеп тұрған кәсіптерді кеңейтуге бағытталады.

– Бағдарлама Атырау облысы әкімінің қолдауымен іске асырылуда. Оның аясында өңір кәсіпкерлерін қаржыландыру және демеу мақсатында жергілікті бюджеттен 1 млрд. теңге бөлінді. Қазір бұл қаражат «Аграрлық несие корпорациясы» арқылы шағын және орта бизнесті несиелендіру бағытында игеріледі. Бағдарлама шеңберінде құжаттар қабылдау жұмыстары жүргізілуде, – деді облыстық кәсіпкерлік және өнеркәсіп басқармасы басшысының міндетін атқарушы Нұрдәулет Жұмаситов.

Кәсіпкерлер толық ақпарат пен кеңесті Атырау облыстық кәсіпкерлік және өнеркәсіп басқармасынан немесе «Аграрлық несие корпорациясының» аймақтық филиалынан ала алады.

Бек АЙДАРӘЛН